

Na osnovu člana 21 stava (2) tačke d) Zakona o zdravstvenom Brčko distrikta BiH (Službeni glasnik Brčko distrikta BiH, brojevi 1/02, 7/02, 19/07, 2/08 i 34/08) i člana 35 Statuta Fonda zdravstvenog osiguranja Brčko distrikta BiH (Službeni glasnik Brčko distrikta BiH, broj: 17/07, 1/08, 3/15, 7/15, 41/16 i 42/17) i Prijedloga Komisije, broj: 6049/18 od 16.07.2018. godine, Upravni odbor Fonda zdravstvenog osiguranja Brčko distrikta BiH, na 18. redovnoj sjednici, održanoj 20.07.2018. godine, donosi

## **PRAVILNIK O IZMJENAMA I DOPUNI PRAVILNIKA O STACIONARNOM REHABILITACIONOM TRETMANU**

### **Član 1**

U Pravilniku o stacionarnom rehabilitacionom tretmanu (Službeni glasnik Brčko distrikta BiH, broj: 1/13 i 12/14) u članu 5 stav (2) mijenja se i glasi:

„(2) Za pratioca djeteta do 8 godina Fond finansira nemedicinski dio rehabilitacije (pansion) 90% od ukupne vrijednosti, a za pratioca djece od 9 do 15 godina kao i za pratioca osiguranih lica ometenih u psihofizičkom razvoju Fond finansira nemedicinski dio rehabilitacije (pansion) 50% od ukupne vrijednosti.“.

### **Član 2**

Iza člana 8 dodaje se novi član 8a koji glasi:

#### **„Član 8a**

Na korišćenje rehabilitacionog stacionarnog tretmana ne može biti upućeno oboljelo ili povrijeđeno osigurano lice Fonda kod koga je prisutno neko od oboljenja ili stanja koja predstavljaju kontraindikaciju za korišćenje rehabilitacionog stacionarnog tretmana i to:

- a) psihoza, asocijalno ponašanje ili sklonost ka samoubistvu;
- b) učestali epileptični napadi;
- c) bolesti ovisnosti;
- d) akutna infektivna bolest i febrilno stanje;
- e) aktivni i evolutivni oblici plućne i vanplućne tuberkuloze;
- f) hronična organska bolest kardiovaskularnog sistema ili respiratornog sistema ili centralnog nervnog sistema, u fazi akutnog pogoršanja, koja može dovesti do dekompenzacije vitalnih organa;
- g) dijabetesna ketoacidoza i hiperosmolarni sindrom;
- h) maligne bolesti u fazi liječenja ili odmakloj fazi bolesti;
- i) trudnoća;
- j) senilni marazam i teži oblici generalizovane arterioskleroze;
- k) akutna faza reumatske bolesti;
- l) nestabilna angina pektoris;
- m) dekompenzacija srca;
- n) teška ishemija srčanog mišića;
- o) ozbiljni poremećaji srčanog ritma, odnosno nekontrolisane aritmije;
- p) hipertenzivna ili hipotenzivna reakcija na testu fizičkog opterećenja;
- r) loše regulisana arterijska hipertenzija.“.

### **Član 3**

(1) U Listi bolesti, bolesnih stanja i posljedica povreda za korištenje medicinske rehabilitacije, koja čini sastavni dio Pravilnika o stacionarnom rehabilitacionom tretmanu, naziv kolone „Dužina trajanja medicinske rehabilitacije“ mijenja se i glasi: „Medicinska rehabilitacija u trajanju do“.

(2) U koloni „Šifra prema MKB“ šifre: MKB G 12.2, MKB G 35, MKB G 37.3, MKB G 61.0, MKB G 71.0, MKB P 07, MKB P 10, MKB P 14, MKB P 21, MKB P 51, MKB G 80, MKB Q 65.0, MKB Q 65.1 i MKB Q 66 mijenjaju se i glase:

Šifra prema MKB	Dijagnoza bolesti, stanja i povreda	Medicinsku rehabilitaciju predlaže	Medicinska dokumentacija	Medicinska rehabilitacija u trajanju do	Rokovi za korištenje medicinske rehabilitacije
G 12.2	<b>Morbus neuroni motorii</b> Bolest motornog neurona Sclerosis lateralis amiotrophica Amiotrofična lateralna skleroza	Nadležni doktor	Otpusna lista za prvu rehabilitaciju, izvještaj specijaliste sa iscrpnim neurološkim nalazom i motorni funkcionalni status za sljedeće rehabilitacije.	21 dan	Prva rehabilitacija nakon bolničke verifikacije; sljedeće rehabilitacije jednom godišnje.
G 35.0	<b>Sclerosis multiplex</b> Multipla skleroza	Nadležni doktor	Otpusna lista za prvu rehabilitaciju, izvještaj specijaliste sa iscrpnim neurološkim nalazom i motorni funkcionalni status za sljedeće rehabilitacije.	21 dan	Prva rehabilitacija nakon bolničke verifikacije; sljedeće rehabilitacije jednom godišnje.
G 37.3	<b>Mielitis transversalis acuta</b> Akutno poprečno zapaljenje kičmene moždine s neurološkim deficitom	Nadležni doktor	Otpusna lista za prvu rehabilitaciju, izvještaj specijaliste sa iscrpnim neurološkim nalazom i motorni funkcionalni status za drugu rehabilitaciju.	21 dan	Jedna rehabilitacija nakon bolničke verifikacije najduže nakon šest mjeseci od otpusta. Druga rehabilitacija iste ili sljedeće godine u slučaju progresije funkcionalnog deficita.

G 61.0	<b>Poliradiculoneuritis tipa Guillain-Barre</b> (isključuju se polineuropatije alkoholičara, dijabetičara i druge etiologije)	Nadležni doktor	Otpusna lista za prvu rehabilitaciju; izvještaj specijaliste sa iscrpnim neurološkim nalazom i motorni funkcionalni status za drugu rehabilitaciju.	21 dan	Jedna rehabilitacija nakon bolničke verifikacije, najduže nakon šest mjeseci od otpusta; druga rehabilitacija iste ili sljedeće godine u slučaju progresije funkcionalnog deficita.
G 71.0	<b>Dystrophia musculorum</b> Distrofija mišića	Nadležni doktor	Otpusna lista za prvu rehabilitaciju; izvještaj specijaliste sa iscrpnim neurološkim nalazom i motorni funkcionalni status za sljedeće rehabilitacije.	21 dan	Prva rehabilitacija nakon bolničke verifikacije; sljedeće rehabilitacije jednom godišnje.
P 07	<b>Partus ante tempus cum sequelis ad neonatum</b> Prijevremeni porođaj sa posljedicama po novorođenče		Otpusna lista ili izvještaj specijaliste, istorija bolesti sa iscrpnim neurološkim nalazom i motorni funkcionalni status za sljedeće rehabilitacije.		Prva rehabilitacija nakon verifikacije od strane zdravstvene ustanove; sljedeće rehabilitacije u skladu sa odlukom Komisije do četvrte godine.
P 10	<b>Haemorrhagiae intrakraniales neonati traumatica, per partum</b> Unutarlobanjska krvarenja novorođenčeta u toku porođaja	Nadležni doktor		21 dan	

P 14	<b>Laesiones traumaticae systematis nervosi peripherici neonati, per partum.</b> Povrede perifernog nervnog sistema novorođenčeta u toku		Otpusna lista ili izvještaj specijaliste, istorija bolesti sa iscrpnim neurološkim nalazom i motorni funkcionalni status za sljedeće rehabilitacije.		Prva rehabilitacija nakon verifikacije od strane zdravstvene ustanove; sljedeće rehabilitacije u skladu sa odlukom Komisije do četvrte godine.
P 21	<b>Asplyxia neonatalis</b> Gušenje novorođenčeta uzrokovano nedostatkom Kiseonika	Nadležni doktor		21 dan	
P 51	<b>Haemorrhagia intrakraniales fetus et neonati non traumatica.</b> Unutarlobanjsko krvarenje ploda i novorođenčeta ne uzrokovano povredom				
G 80	<b>Paralysis cereбрalis infantilis</b> Dječija cerebralna paraliza	Nadležni doktor	Otpusna lista ili izvještaj specijaliste, istorija bolesti sa iscrpnim neurološkim nalazom i motorni funkcionalni status za sljedeće rehabilitacije.	21 dan	Prva rehabilitacija nakon verifikacije od strane zdravstvene ustanove; sljedeće rehabilitacije jednom godišnje.
Q 65.0 Q 65.0	<b>Luxatio coxae congenita</b> Luksibilni kuk poslije liječenja gipsanom imobilizacijom	Nadležni doktor	Otpusna lista	21 dan	Jedna rehabilitacija u roku od šest mjeseci nakon liječenja gipsanom imobilizacijom.
Q 66	<b>Deformationes pedis congenitae</b> Urođeni deformiteti stopala	Nadležni doktor	Otpusna lista	21 dan	Jedna rehabilitacija u roku od šest mjeseci nakon operacije; sljedeća rehabilitacija po potrebi, u skladu sa Odlukom Komisije zavisno od funkcionalnog statusa.

#### **Član 4**

Ovaj pravilnik stupa na snagu danom donošenja i objavljuje se na službenoj internet stranici Fonda.

Broj: 015-180/7-122/12-2  
Brčko, 20.07.2018. godine

**PREDSJEDNIK UPRAVNOG ODBORA**

---

**Dr. med. sci. Zoran Tošić, s.r.**

Dostaviti:

1. Direktor FZO
2. Šefovima Službi (3x)
3. Internom kontroloru
4. Web
5. Evidenciji
6. Arhivi